

Жазғы маусымда балалар мен жасөспірімдердің демалысын, сауықтыруды және жұмыспен қамтуды ұйымдастыру туралы

Қазақстан Республикасы Премьер-Министрінің өкімі 1997 жылғы 4 маусымдағы N 164

1997 жылғы жазғы маусымда балалар мен жасөспірімдердің демалысын, сауықтыруды және жұмыспен қамтуды ұйымдастыру мақсатында:

1. Қазақстан Республикасының Білім және мәдениет министрлігі:

жасөспірімдерді, балаларды сауықтыру, демалысы мен жұмыспен қамтуды қамтамасыз ету жөніндегі шаралар кешенін жүзеге асырсын;

балаларды сауықтыру мен жазғы демалысын ұйымдастыруға мектептен тыс мекемелерге айрықша орын бөлсін. Мектептен тыс мекемелердің каникул уақытындағы қызмет аясын айтарлықтай кеңейтсін: салалық лагерлер, осы мекемелер негізінде күндізгі сауықтыру лагерлерін ұйымдастырсын; үйірмелік, секциялық, студиялық сабақтар, туристік саяхат, экскурсиялар, жарыстар өткізсін;

жасөспірімдерді еңбекке белсенді тарту, лагерлерді ұстауға жұмсалатын шығысты ішінара өтеу мақсатында еңбек заңдарында белгіленген тәртіппен жоғары класс оқушыларының еңбегін пайдалана отырып, еңбек және демалыс лагерлерінің қызметін тәжірибеге енгізсін;

жазғы сауықтыру лагерлеріне педагогтарды, жоғарғы курстардың оқушылары мен студенттерді жіберсін, оларға емтихан сессиясын мерзімінен бұрын тапсыруға жағдайлар жасасын; оларды сауықтыру лагерлеріндегі жұмысқа ұйымдастырушылық және әдістемелік даярлау жөнінде семинарлар мен нұсқамалық жиындар өткізуді қамтамасыз етсін, балаларды сауықтыру мен демалысын ұйымдастырудың дәстүрлі емес нысандарын дамытсын және пайдалансын.

2. Облыстардың әкімдері, балансында балаларды сауықтыру лагерлерін (базалар, кешендер) ұстайтын ұйымдардың басшылары:

мүдделі ұйымдармен бірлесіп 1997 жылы балалар мен жасөспірімдердің демалысы мен сауықтыруды, аталған шараларды өткізуге көзделген қаражат шегінде ұйымдастыруды қамтамасыз етсін;

балаларды сауықтыру мекемелерінде ағымдағы алдын ала санитарлық қадағалауды, сауықтыру орындарына тасымалдаудың қауіпсіздігін, оларды орналастыру орындарындағы қоғамдық тәртіп күзетін жүзеге асырсын;

сауықтыру компанияларын ұйымдастырылған түрде қамтамасыз ету мақсатында облыстар мен аудандарда балалар мен жасөспірімдердің жазғы демалысын ұйымдасқан түрде өткізу жөніндегі ведомствоаралық кеңестер немесе жедел штабтар құрсын;

облыстардың әкімдері мен кәсіподақ кеңестеріне осы мәселе бойынша бірлескен

құжаттар қабылдауды тапсырсын;

балалардың жазғы демалыстарын ұйымдастырушылардың облыстық семинарларын, кеңестерін өткізсін.

Премьер-Министр

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМҚ